

NUMAX NA ESCOLA 2020/2021



EDUCACIÓN INFANTIL E PRIMARIA

Un curso máis NUMAX na Escola ofrece o seu renovado catálogo de filmes adaptados para público escolar de todas os cursos e idades. Un amplo abano de obras de gran calidade artística que acompañamos de materiais didácticos específicos e presentacións na sala de cinema.

- 📖 **Antes da sesión** farase entrega ao profesorado de **materiais didácticos** (unidades didácticas, actividades, making off, trailers, etc.) que faciliten o traballo na aula antes e despois da sesión.
- 🔊 O día da sesión **habrá unha presentación en sala** do filme a cargo de persoal especializado de NUMAX.
- 🕒 **Horario:** De **luns a venres** en sesión matinal, preferentemente de **10:00 a 12:00** horas
- 💎 **Prezo: 4€ por alumno/a**, a tarifa mínima do Cinema NUMAX.



Incorporacións
ao catálogo
para o curso 2020/21



PASO A PASO

VV.AA., 45 min, VE

Seis historias poéticas, tenras e divertidas que narran as peripecias dun neno de cartón que vive no océano, un home que descolga a lúa ou uns animais asustados por un estraño ruído.

📌 Descubrimento / Natureza / Creatividade




IMOS CAZAR UN OSO

Joanna Harrison / Robin Shaw, 59 min, VE

Cinco irmáns aproveitan que seus pais non están en casa para saír de aventura. Atravesan verdes pastos, cruzan un río, adéntranse nun bosque escuro... Ningún deles teme que apareza o oso.

📌 Valores: Ecoloxía / Fraternidade



O NADAL DO HOME RAMA

Jeroen Jaspaert / Daniel Snaddon, 60 min, VE

O Home Rama adéntrase nunha épica aventura que o levará moi lonxe da casa. Volverá a tempo para celebrar o Nadal cos seus? Beseado no bestseller de Julia Donaldson, referente da literatura infantil.

🏆 Nomeado aos Oscar

📌 Literatura / Nadal / Aventuras




AS AVENTURAS DA TOUPIÑA

Zdenek Miller, 40 min, VO

A toupiña Krtek é todo un mito da reputada animación checa. A súa curiosidade e picardía lévannos a vivir divertidas aventuras que farán as delicias dos máis pequenos.

📌 Ecoloxía / Diversidade / Creatividade



ZIBILA E O PODER DAS RAIAS

Isabelle Favez, 55 min, VE

Zibila é unha cebra adoptada por unha familia de cabalos. No seu primeiro día de escola os seus compañeiros ríndela por ter raias, pero grazas a unha grande aventura ha recuperar a confianza.

📌 Valores: Natureza / Diversidade



O GRÚFALO

Jakob Schuh / Max Lang, 55 min, VE

Un ratiño pasea polo bosque cando se atopa cun raposo, un moucho e unha serpe tan fementos coma el. O ratiño declina os seus convites porque ten unha cita co grúfalo. Pero, que é un grúfalo?

🏆 Nomeado aos Oscar

📌 Natureza / Adaptación de Julia Donaldson / Aventuras



AS NOVAS AVENTURAS DE TOUPIÑAS E MANCHIÑAS

Uzi e Lotta Geffenbald, 44 min, VE

Toupiñas e Manchiñas tentan cocinar, van ao circo, recollen cogomelos, organizan a festa de Aninovo... pero nada sae como tiñan previsto.

📌 Valores: Amizade / Aventuras



NEVE E AS ÁRBORES MÁXICAS

VV.AA., 50 min, VE

Catro historias curtas protagonizadas por un neno perguiceiro, unha nena e a súa tea máxica, unha árbore que bota a andar e unha excursión interrompida por unha tormenta de Neve.

📌 Valores: Amizade / Diversidade



A RATA PIRATA

VV.AA., 55 min, VE

Seguimos as aventuras da rata pirata, o bandido máis larpeiro que existe, xunto a tres curtas sobre a aventura de medrar.

🏆 Premiado en Toronto e Nova York

📌 Aventuras / Aprendizaxe



FRANZ E O DIRECTOR DE ORQUESTRA

Uzi e Lotta Geffenbald, 46 min, VE

Franz acompaña a seu pai, director de orquestra, a un campamento musical. Gustaríalle tocar un instrumento pero é moi pequeno. Aventuras, risas e bágoas uníranse arredor da música.

📌 Valores: Música / Compañeirismo



A SOPA DE PEDRAS

VV.AA., 40 min, VE

Unha ollada alternativa aos contos tradicionais: un neno que non dorme e conta ovellas, a aventura de vestirse pola mañá ou a secreta receita da sopa de pedras.

📌 Orixinalidade / Creatividade



ZOG, DRAGÓNS E HEROÍNAS

VV.AA., 60 min, VE

Catro divertidísimas historias protagonizadas por nenas valentes e imaxinativas.

🏆 Nomeado aos Oscar

📌 Igualdade / Creatividade



O AGASALLO DE MOLLY MONSTER

Ted Sieger, 70 min, VOSE/VE

Molly sempre foi a máis pequena da familia... até o de agora. Unha road-movie sobre o que supón converterse en irmá maior.

👤 Crecemento / Solidariedade



O BOSQUE DE HAQUIVAQUI

Rasmus A. Sivertsen, 75 min, VE

Claus, un rato algo trasto, vive feliz no bosque de Haquivaqui sorteando con habilidade o raposo Marvin e outros depredadores. Xunto ao seu amigo Morten deciden redactar unha lei para solventar o problema.

🏆 Premio do Público El Meu Primer Festival

👤 Adaptación literaria / Imaxinación



A FAMOSA INVASIÓN DOS OSOS EN SICILIA

Lorenzo Mattotti, 82 min, VOSE/VE

A historia de como os osos acaban invadindo Sicilia para recuperar o fillo perdido do Rei Oso é en realidade unha parábola sobre a colonización, a apropiación cultural e a utilización despótica do poder.

👤 Banda deseñada / Historia da arte



ANIMALADAS DE CINEMA

VV.AA., 40 min, VE

Delirante adaptación de fábulas populares como *O corvo e o raposo* levadas á gran pantalla con sentido do humor e enxeño.

👤 Actualización de fábulas clásicas



A GALIÑA TURULECA

E. Gondell / V. Monigote, 80 min, Galego, VG

Turuleca é unha galiña singular. O seu peculiar aspecto e a súa imposibilidade para poñer ovos desata as burlas do resto do galiñeiro. Un día descobre o seu gran talento oculto: Turu non só pode falar, senón que canta como xamais se oíu cantar a unha galiña!

👤 Música / Solidariedade



TEMPOS MODERNOS

Charles Chaplin, 89 min, VOSE, 1936

Extenuado polo frenético ritmo da cadea de montaxe, un obreiro metalúrxico acaba perdendo a razón. Despois de recuperarse nun hospital, sae e é encarcerado por participar nunha manifestación na que se atopaba por casualidade.

👤 Traballo en cadea / Solidariedade



PEQUENOS HEROES

VV.AA., 60 min, VE

Sete relatos protagonizados por heroes cuxa misión é superar con valor e creatividade os retos do seu día a día.

👤 Traballo en equipo / Respetto á diferenza / Crecemento



GORDON & PADDY

Linda Hambäck, 62 min, VE

O xefe de policía do bosque Gordon está a piques de retirarse e ten que atopar un substituto. Paddy, unha intelixente ratiña, semella ser a candidata axeitada.

👤 Amizade interxeracional / Intercambio de coñecementos



DÍA DE FESTA

Jacques Tati, 81 min, VOSE, 1949

O pobo de Saint Sèvre dispónse a celebrar unha gran festa. As rúas engalánanse e a terraza do café prepárase para o gran baile. Mentres reparte o correo, François tenta montar a cucuña, pero só consegue provocar catástrofes.

👤 Vida rural / Festas patronais




A INCRÍBEL HISTORIA DA PERA XIGANTE

Philip Einstein Lipski / Jørgen Lerdam / Amalie Næsby Fick, 80 min, VE

Unha cálida e fantástica aventura chea de artefactos mecánicos que fará as delicias de pequenos e maiores.

🏆 Premio Europa Junior Festival de Sevilla

👤 Adaptación literaria / Imaxinación



O VENTO ENTRE ASCANAS

VV.AA., 62 min., VE

Cinco extraordinarias aventuras sobre a liberdade, con músicas orixinais, heroínas sorprendentes e unha calidade gráfica extraordinaria.

🏆 Premios en Annecy, Taiwan e Stuttgart

👤 Liberdade / Tolerancia



A REBELIÓN DOS CONTOS

VV.AA., 58 min, Inglés, VOSE/VE

Adaptación moderna e politicamente incorrecta do *best-seller* de Roald Dahl.

🏆 Nomeado aos Oscar

👤 Adaptación satírica



A VIDA DE CABACIÑO

Claude Barras, 66 min, Francés, VOSE

O filme de animación máis premiado dos últimos tempos conta a historia dun neno que, tras quedar orfo, entra nun fogar de acollida. Malia a difícil adaptación, fará grandes amizades.

🏆 Mellor Filme Animación Premios César

👤 Compañeirismo / Amizade / Superación da perda



JACOB, MIMI E OS CANS DO BARRIO

Edmunds Jansons, 70 min, Letón, VOSE

Un rico home de negocios empeza a excavar o parque central do pobo para construír un rañaceos. Para evitalo os intrépidos Jacob e Mimi contarán coa axuda dunha banda de cans que... poden falar!

👤 Xentrificación / Especulación inmobiliaria



O MEU VECIÑO TOTORO

Hayao Miyazaki, 86 min, Xaponés, VOSE

Volve a maxia de Totoro, o filme que deu a coñecer a Hayao Miyazaki. Satsuki e Mei son dúas irmás que van vivir ao campo e entran en contacto co espírito do bosque.

👤 Fantasía / Anime / Natureza




O TEMPO CONTIGO

Makoto Shinkai, 111 min, Xaponés, VOSG

Hotaka Morishima é un estudante de secundaria que se muda a Tokio para deixar atrás a súa vida nunha illa afastada do mundo. Alí coñecerá a Akina Amano, unha rapaza co misterioso poder de manipular e controlar o clima ao seu antollo.

👤 Adolescencia / Imaxinación



PHANTOM BOY

Alain Gagnol, Jean-Loup Felicioli, 84 min, Francés, VOSG

Leo é un adolescente enfermo interno nun hospital e ten un superpoder: saír do seu corpo e viaxar pola cidade de noite en busca do crime.

👤 Superación da enfermidade / Cinema negro / Cómic de superheroes



O PRINCIPIÑO

Mark Osborne, 2015, 106', Francés/Inglés, VOSG

Fantástica aproximación ao clásico de Saint-Exupéry. Unha obra visualmente asombrosa que mestura con mestría animación 3D e a artesanal técnica do stop-motion.

🏆 Mellor Filme Premios Annie / Sección Oficial Cannes

👤 Espírito de superación / Autocoñecemento / O valor das pequenas cousas



A MIÑA SEMANA EXTRAORDINARIA CON TESS

Steven Wouterlood, 84 min, Holandés, VOSE

Sam é un neno de 10 anos que vaixa coa súa familia a unha illa de vacacións. Alí coñece a Tess, unha moza peculiar que ten un plan para coñecer o seu pai biolóxico.

👤 Verán / Crecemento



MARY E A FLOR DA BRUXA

Hiromasa Yonebayashi, 103 min, Xaponés, VOSE

Mary vive no campo coa súa avoa. Un día segue un misterioso gato até o bosque onde descobre unha vella vasoira e unha estraña flor que a levarán a unha misteriosa escola de maxia.

👤 Sucesor de Miyazaki / Imaxinación e bruxaría




A VIAXE DE CHIHIRO

Hayao Miyazaki, 124 min, Xaponés, VOSE

Chihiro é unha nena que viaxa en coche cos seus pais. Logo de atravesar un túnel chegan a un mundo fantástico, no que só hai lugar para os deuses de primeira e segunda clase.

🏆 Oscar Mellor Filme Animación

👤 Obra mestra da animación mundial / A imaxinación ao poder



O CASTELO AMBULANTE

Hayao Miyazaki, 119 min, Xaponés, VOSE

Sophie sofre un terríbel malfado que lle confire os aspectos dunha anciá. Decide pedir axuda ao mago Howl, que vive nun castelo ambulante, pero axiña descobre que Howl é quen máis axuda precisa.

🏆 Nomeado aos Oscar

👤 Viaxe sensorial / Fantasía



MURMURIÑOS DO CORAZÓN

Yoshifumi Kondô, 111 min, Xaponés, VOSE

Unha moza estudante amante da lectura descobre que todos os libros que elixiu na biblioteca foron previamente solicitados por unha mesma persoa.

👤 Studio Ghibli / Amor pola lectura

NUMAX

🌐 numax.org/na-escola

✉ escola@numax.org

☎ 663 975 767 (Xan Gómez Viñas)